



Broj: 01-50-1-15-38/08
Sarajevo, 30. oktobra 2008.godine

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET: O b a v j e š t e n j e

Predstavnički dom Parlamentarne skupštine BiH je, 22. i 29. oktobra 2008.godine, održao 38. sjednicu. Obavještavamo vas o ishodu razmatranja materijala koji su u nadležnosti i Doma naroda, a to su:

1. Prijedlog kodeksa ponašanja poslanika i delegata, predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku (drugo čitanje);
2. Prijedlog zakona o izmjenama i dopunama Zakona o Obavještajno-sigurnosnoj agenciji BiH, predlagač: Zajednička sigurnosno-obavještajna komisija za nadzor nad radom Obavještajno-sigurnosne agencije BiH (prvo čitanje);
3. Prijedlog zakona o izmjenama i dopunama Zakona o zaštiti tajnih podataka, predlagač: Zajednička sigurnosno-obavještajna komisija za nadzor nad radom Obavještajno-sigurnosne agencije BiH (prvo čitanje);
4. Izvještaj o radu Državne komisije za reviziju odluka o naturalizaciji stranih državljana u BiH za period od 1.1.2008.do 30.6.2008., s prijedlogom zaključaka;
5. Privremeni izvještaj o radu Interresorne radne grupe na izradi Prijedloga zakona o imunitetu;
6. Davanje saglasnosti za ratifikaciju:
 - a) Memoranduma o razumijevanju o institucionalnom okviru za Inicijativu za prevenciju i pripravnost za katastrofe u jugoistočnoj Evropi.
 - b) Sporazuma između Bosne i Hercegovine i Republike Mađarske o socijalnom osiguranju i socijalnoj sigurnosti,
 - c) Administrativnog sporazuma za provođenje Sporazuma između Bosne i Hercegovine i Republike Mađarske o socijalnom osiguranju i socijalnoj sigurnosti,
 - d) Protokola iz Kartagene o biosigurnosti uz Konvenciju Ujedinjenih naroda o biološkoj raznolikosti.

Ad .1.

Predstavnički dom usvojio je Kodeks ponašanja poslanika i delegata, čiji je predlagač Zajednička komisija za ljudska prava, prava djeteta, mlade, imigraciju, izbjeglice, azil i etiku, s amandmanima koje je usvojila Zajednička komisija.

Ad. 2. i 3.

Predstavnički dom je u prvom čitanju usvojio:

- Prijedlog zakona o izmjenama i dopunama Zakona o Obavještajno-sigurnosnoj agenciji BiH i
- Prijedlog zakona o izmjenama i dopunama Zakona o zaštiti tajnih podataka. Predlagač oba zakona je Zajednička sigurnosno-obavještajna komisija za nadzor nad radom Obavještajno-sigurnosne agencije BiH.

Ad. 4.

Predstavnički dom usvojio je Izvještaj o radu Državne komisije za reviziju odluka o naturalizaciji stranih državljana u BiH za period od 1.1.2008.do 30.6.2008., s Mišljenjem nadležne komisije i zaključcima sadržanim u Mišljenju.

Pored zaključaka sadržanih u Mišljenju Zajedničke komisije za ljudska prava, Dom je, na prijedlog iz rasprave, usvojio i sljedeće zaključke:

1. Obavezuju se Državna komisija za reviziju odluka o naturalizaciji stranih državljana u BiH, Ministarstvo sigurnosti BiH – Služba za poslove sa strancima i Granična policija BiH, te Ministarstvo civilnih poslova BiH – Direkcija CIPS projekta da, u roku od tri mjeseca, od Komisije preuzmu bazu podataka o oduzetim državljanstvima BiH stečenim naturalizacijom i inkorporiraju je u CIPS i ISM (informacioni sistem za strance) tako što će je učiniti operativnom i dostupnom organima za provođenje zakona u BiH.
2. Obavezuje se Državna komisija da, u što kraćem roku, u „Službenom glasniku BiH“ objavi imena svih lica kojima je oduzeto državljanstvo BiH stečeno naturalizacijom i da to ubuduće čini najmanje jednom mjesečno tokom svog rada.
3. Zahtijeva se od Državne komisije efikasniji rad na reviziji državljanstava BiH stečenih naturalizacijom u skladu sa zakonima u BiH.
4. Od SIPA-e i Tužilaštva BiH traži se da u što kraćem roku podnesu izvještaj o preduzetim mjerama protiv lica koja se dovode u vezu s nezakonitim davanjem državljanstva BiH po osnovu naturalizacije u periodu od 18. aprila 1992. do 1. januara 2006., za sve nivoe vlasti u BiH.

Ad. 5.

Predstavnički dom primio je k znanju Privremeni izvještaj o radu Interresorne radne grupe na izradi Prijedloga zakona o imunitetu te, na prijedlog iz rasprave, usvojio sljedeće zaključke:

1. Zadužuje se Interresorna radna grupa da sačini prijedlog zakona o izmjenama i dopunama Zakona o imunitetu, u skladu s preporukama Vijeća Evrope – Grupe zemalja za borbu protiv korupcije (GRECO).
2. Predlaže se da Interresorna radna grupa Zakon o imunitetu vrati u ustavne okvire i da predloži procedure pozivanja na imunitet i oduzimanja imuniteta.

Ad. 6.

Predstavnički dom dao je saglasnost za ratifikaciju:

- a) Memoranduma o razumijevanju o institucionalnom okviru za Inicijativu za prevenciju i pripravnost za katastrofe u jugoistočnoj Evropi.
- b) Sporazuma između Bosne i Hercegovine i Republike Mađarske o socijalnom osiguranju i socijalnoj sigurnosti,
- c) Administrativnog sporazuma za provođenje Sporazuma između Bosne i Hercegovine i Republike Mađarske o socijalnom osiguranju i socijalnoj sigurnosti,
- d) Protokola iz Kartagene o biosigurnosti uz Konvenciju Ujedinjenih naroda o biološkoj raznolikosti.

S poštovanjem,

PREDSJEDAVAJUĆI
PREDSTAVNIČKOG DOMA
Niko Lozančić